



## გრიგოლ რუხაძე

### ჭოდა მაქსიმე აღვანიშვილის „ცხოვრების“ ძართული კიმენური რედაქცია

ექლესია ჰაგიოგრაფიულ თხზულებებს, წმიდა წერილსა და წმიდა გარდამოცემასთან ერთად, ყოველთვის განსაკუთრებულ მნიშვნელობას ანიჭებდა. ერთი მხრივ, ქრისტიანთათვის წმინდანების მოხსენიება არა მხოლოდ სასურველი საქმე, არამედ მოვალეობაც არის: „თანამდებ არს ყოველი კაცი ქებითა და გალობითა და პატივითა აღსრულებად საჭენებელსა მათსა“; ხოლო მეორე მხრივ, ღმრთისა და მოყვასის მიმართ გამოვლენილი მათი სათხოების მაგალითები განამტკიცებენ მსმენელს საღმრთო მცნებათა ერთგულებით: „მსმენელთა მოქალაქობისა მათისათა ბაძეად მათსა მის სათხოებისა აღვადგინებთ, ამისთვის კეთილ არს და სამართალ მოქალაქობისა და მოლუწებისა წმიდათა მამათა და მოწამეთა აღწერად და მათი ქებითა და გალობითა შესხმავ“. მაგრამ გარდა ამ საზოგადო დანიშნულებისა, ზოგიერთ ცხოვრება-მარტვილობას გამოარჩევს ქრისტიანულ სწავლებათა გადმოცემის ფორმა და შინაარსი, როცა ასკეტური, ეთიკური ან თეოლოგიური საკითხები შედარებით ვრცლად და თანაც წინა პლანზეა წარმოდგენილი. ერთ-ერთი ასეთი, საღმრთოსმეტყველო განსაზღვრებებით მდიდარი, თხზულებაა, ჩვენ მიერ განსახილვად შერჩეული „ცხოვრებად და მოქალაქობად აღმსარებელისა მართლისა სარწმუნოებისად წმიდისა და ნეტარისა მამისა ჩუენისა მაქსიმესი“, აღწერილი თვედოსი ხუცესის მიერ მალევე VI მსოფლიო კრების (კონსტანტინეპოლი, 680 წ.) ჩატარების შემდგება და თარგმნილი წმ. ექვთიმე მთაწმიდელის მიერ არა უგვიანეს 1005 წლისა.<sup>1</sup>

აღნიშნული „ცხოვრების“ კრიტიკულად დადგენილი ქართული ტექსტი (ქარაგმების გაუხსნელად), თავისებური „კიმენური“ რედაქცია, 1918 წელს გამოაქვეყნა პროფ. კ. კეკელიძე,<sup>2</sup> რომელიც, მიუხდავად ქართული ჰაგიოგრაფიული ნაწარმოებების განმეორებით ბეჭდვის არსებული ტრადიციისა, დღემდე ბიბლიოგრაფიულ იშვიათობად რჩება. ერთი ძირითადი მიზეზი ჩვენი თემის არჩევისა, სწორედ ამ ვრცელი რედაქციისკენ მკითხველის ყურადღების მიქცევის სურვილი იყო.<sup>3</sup>

როგორც ვთქვით, წმ. მაქსიმეს „ცხოვრების“ ეს რედაქცია განსაკუთრებით საღმრთისმეტყველო სწავლებათა ვრცელი და ღრმა პასაკებით გამოიჩინა, მაგრამ მათთან ერთად ზოგიერთ ისეთ საკითხსაც მიმოგახილავთ, რომლებიც, ჩვენი დაკვირვებით, მეტ ანალიზსა და გამოძიებას საჭიროებენ. მანამდე კი, ისტორიულ გარემოსთან დასახლოებლად, წარმოვადგინოთ იმ ისტორიულ პირთა და გეოგრაფიულ სახელთა სია, რომელნიც თხზულებაში არიან მოხსენიებულნი:

**იოგანე და ანა — დიდებულნი და ღმრთისმოყვარენი შშობელნი წმ. მაქსიმე აღმსარებელისანი (თ. 2).**

**ჰერაკლე კისარი — მაქსიმეს დროს ბიზანტიაში მეფობდა „ჰერაკლე, რომელმან იგი სპარსეთი დაიპყრა და ხუასრო მეფის სპარსეთისად მოკლა და ზაქარია პატრიაქი იერუსალიმისად ტყუებისაგან გამოიყანა და ძელი პატიოსნისა ჯუარისად, რომელი იგი იერუსალიმით სპარსეთს ხუასროს წარეყვანა, კუალად მაღლითა ქრისტისითა მოიყვანა და საუნჯე დიდალი სამეუფოსა პალატსა დაუსუენა“ (თ. 3).**

**სებეროს და დიოსკორე — მონოგაზიტი მწვალებლები, „რომელნი იგი უვარ ჰყოფდეს ორთა ბუნებათა ქრისტისა — ღმრთებისა და კაცებისასა, და ერთსა შერეულსა ბუნებასა ქადაგებდეს და განკაცებასა უფლისასა უცნებით ქმნულად ჰგმობდეს“ (თ. 4).**

**ქალკიდონი — აქ მარკიანე მეფის დროს გაიმართა IV მსოფლიო კრება 630 მამათა, „რომელთაც შეაჩუნენს და განკუეთნეს ბოროტი იგი მწვალებელნი — დიოსკორე ალექსანდრიილი და ეპტიპეიოს მამასახლისი და სებეროს ანტიოქიელი და ჰეტროს აპაშიელი და სხვანი იგი მიმდგომნი მათნი, იაკობ ვინძე და ტიმოთე, რომელსა ქრიდებოდა მელი“. კრების სარწმუნოებრივი განჩინებით, ქრისტე არის „სრული ღმერთი და სრული კაცი, უცნებელი ღმრთებითა, რომელმან ცხოვრებისათვის ჩუენისა იგნო ბუნებითა მით კაცობრივითა, რამეთუ ერთი გუამი იყო ორითა ბუნებითა“ (თ. 4).**

**ისტინიანე იმპერატორი — მის დროს კონსტანტინეპოლიში გაიმართა V მსოფლიო კრება 164 წმიდათა მამათა, „რომელთა დაამტკიცეს ყოველივე პირველთა მათ ოთხთა კრებათაგან დაწესებული, და სებეროს შეაჩუნენს და ოროგინე და მსგავსი მისნი, და მართალი სარწმუნოებად წმამაღლად ქადაგეს“ (თ. 4).**

**სერგიოს — მაქსიმეს დროს პატრიარქი, ანუ მაშინდელი მთავარეპისკოპოსი, კონსტანტინეპოლისა, ნათესავით ასური, შშობელთაგან იაკობიტთა შობილი; მოხოთელიტი (თ. 6).**

**კშროზ — მთავარეპისკოპოსი ალექსანდრიისა; მონოთელიტი (თ. 6).**

**იოგანე — პაპი რომისა; მართლმადიდებელი (თ. 6).**

**სოფრონ — პატრიარქი იერუსალიმისა; მართლმადიდებელი (თ. 6).**

**პიროს — პატრიარქი კონსტანტინეპოლისა, სერგის შემდეგ დაიპყრა საყდარი; ესეც მონოთელიტი (თ. 7).**

**კონსტანტინე** — ძე პერაკლესი, რომელიც გამეფების შემდეგ პიროს პატრიარქმა მარტინა სეფექალის თანაშეწევნით მოწამლა და მოკლა (თ. 7).

**პავლე** — პიროსის მომდევნო პატრიარქი; ესეც მონოთელიტი (თ. 7).

**ხრუსოპოლი** — მონასტერი, სადაც მაქსიმე მოღვაწეობდა (თ. 8).

**თევდორე** — იოანეს შემდგომი პაპი რომისა; მართლმადიდებელი. მან „შეკრიბა ყოველი სავსებად ეკლესიისათვის, და შევიდა სამარხოსა პეტრესა თავისა მის მოციქულთა და მოითხოვა წმიდა ბარძიმი და დააწო კალა-მი ცხოველს-მყოფელსა მას სისხლსა თუსითა ჭელითა, და დაწერა განკუ-ეთად პიროსისი და ყოველთა თანაზიართა მისთავ“ (თ. 11).

**მარტინე** — წმიდა პაპი, საყდარზე ავიდა თევდორეს შემდეგ (თ. 11). მან მაქსიმეს შთაგონებით 150 ეპისკოპოსთა კრება მოიწვია რომში, რომელზეც „შეაჩერენეს სერგიოს და პიროს და კუროს და პავლე მწვალებელი და მათი იგი წვალებამ, და ორი ბუნებამ ქრისტის და ორი ნებამ და ორი საქმი წმამალლად ქადაგეს“ (თ. 12).

**კოსტა** — მეფე ბიზანტიისა, ძე კოსტანტინესი და ძისწული პერაკლე-სი, რომელმაც წმიდა მარტინე და ნეტარი მაქსიმე რომიდან კოსტანტინე-პოლში დასასჯელად ჩამოიყვანა და შემდეგ ორივე გადაასახლა (თ. 13).

**თევდორი** — ეპისკოპოსი კესარია-ბითივინისა, რომელიც მეფის დავა-ლებით მაქსიმესთან მოსარიგებელ მოლაპარაკებას აწარმოებდა, მაგრამ უშედეგოდ (თ. 21).

**მონასტერი წმ. არსენისა** — მდებარეობს ციხე პიმარის მახლობლად, სადაც დაპარეს წმიდა გვამი მაქსიმე აღმსარებელისა (თ. 31), რომელიც 90 წლისა აღესრულა (თ. 19).

**აგათონი** — ნეტარი პაპი რომისა; საყდარზე ავიდა წმ. მარტინეს შემ-დეგ. მან ჩატარა კრება 124 ეპისკოპოსთა, რომელზეც „წვალებამ იგი ერთისა ნებისა მეტყუელთა შეაჩერენეს, და ორნი ნებანი და ორნი საქმენი ქრისტესი და ორნი ბუნებანი ქადაგნეს და დაამტკიცეს“ (თ. 32).

**კოსტანტინე** — ძე კოსტასი; თავის ორ ძმასთან ერთად მეფობდა. მან „გულისწმა ყო ცოომილებამ იგი მამისა თუსისად და წვალებამ“ და კონ-სტანტინეპოლში მოიწვია VI მსოფლიო კრება 168 წმიდათა მამათა: „და ქადაგეს უფალი იესუ ქრისტი მცხნელი და მაცხოვარი ჩუენი ორითა ბუნებითა და ორითა ნებითა და ორითა საქმითა — ღმრთებისა და კაცები-სათა, არა განცოფილებითა პირთა და გუამთავთა, არამედ ორთა ბუნებათა სრულებითა, რამეთუ არცა ერთი ბუნებათა მისთაგანი იყო თვითერ ნებისა და საქმისა, რამეთუ რომელნი უარ ჰყოფენ ორთა ნებათა და საქმეთა, იგ-ინი ბუნებათაცა უარ ჰყოფენ და თვითებათა მათთა“ (თ. 33).

ამ ჩამონათვალში ბიზანტიის იმპერატორებისა და მეფეებალაქის მდგელთმთავრების აღმსარებლობას თუ მივაქცევთ ყურადღებას, ერთი თვალის გადავლებითაც კარგად ჩანს, რომ წმ. მაქსიმეს გარემოცვა, მოელი მისი სიცოცხლის განმავლობაში, მონოთელიტური იყო. გამონაკლისია

მხოლოდ პერაკლე კეისარი, რომელთანაც წმიდა მაქსიმეს ურთიერთობა, ჩვენი აზრით, გაურკვეველი ჩანს.

### პერაკლე მეფე და მაქსიმე აღმსარებელი

„ესმოდა მეფესა ყოველთაგან ღირსისა მის მაქსიმეს სიბრძნე და მეცნიერებად და ფრიადი ღმრთის-მოუკარებად, მოუწოდა თუსა... და მისცა მას პატივი, სამეუფოთა მწიგნობართა მთავრობად“ (თ. 3). — საკმარისი ცნობაა იმის გასათვალისწინებლად, თუ როგორი ნდობა პქონდა მეფეს მაქსიმეს მიმართ, რომელსაც ასეთი წარჩინებული პატივი მიანიჭა. მიუხედავად ამისა, „ცხოვრებაში“ (არა მარტო ჩვენს რედაქციაში) არაფერია ნათებამი ღირსი მაქსიმეს პოზიციის შესახებ, როცა პერაკლე მეფე მისთვის უცნობ საღმრთოსმეტყველო საკითხზე პასუხს ყველა ცნობილი ადგილობრივი ეკლესის მეთაურისგან ითხოვდა.

მოვლენები ასე ვითარდებოდა. იაკობიტთა მთავარეპისკოპოსის, უკუთური ათანასეს შეკითხვაზე — «ნებისათუს და საქმისა, ვითარ იტყვა, ორი ჯერ-არს თქუმად ქრისტისთუს ანუ ერთი?» — პასუხის მისაღებად პერაკლე კეისარი ჯერ სერგიოს კონსტანტინეპოლელს დაეკითხა, შემდგე კუროზ ალექსანდრიელს და ბოლოს რომის პაპს, იოვანესაც მისწერა წერილი. სერგიოსისა და კუროზის აზრით, «ერთი ნებად და ერთი საქმე ჯერ-არს თქუმად ქრისტისთუს» (თ. 6.), ხოლო პაპი იოანეს მიხედვით, აღვიარებთ «ორსა ნებასა და ორსა საქმესა, რამეთუ არა არს ბუნებად უნებელი და უსაქმოვა». ამ საკითხის თაობაზე სოფრონ იერუსალიმელმა კრება მოიწვია, «შეაჩუქნა მეტყუელნი ერთისა ნებისანი» და კრების გადაწყვეტილება პერაკლე მეფეს ეპისტოლეთი შეატყობინა.

„ესმა რად ესე ყოველი მეფესა, შეწუხნა და ვერ გულისტმა ჰყოფდა, თუ რომელთა სიტყუად დაამტკიცოს“. ასეთი ორჭოფობის დროს, განა შესაძლებელია, რომ ქრისტიანი მეფე მისი მწიგნობართმთავრის აზრით არ დაინტერესებულიყო, სანამ მცდარ გადაწყვეტილებას მიღებდა? — სამწუხაოდ, პასუხს ჩვენ ვერსად ვპოულობთ, ხოლო მეფე „პგონებდა, თუ კეთილსა რასმე იქმს. დაწერა ბრძანებად, რამთა არცა ერთსა ნებასა და საქმესა იტყოდიან, არცა ორსა“ (თ. 6). ამ ბრძანებას, რომელსაც სამეცნიერო ლიტერატურაში „ეკუთხისის“ („საწამებელის“) სახელით მოიხსენიებენ, ორი უარყოფითი მხარე პქონდა: а) სარწმუნოებრივი, რადგან იგი არ აღიარებდა არცერთ კონფესიურ განსაზღვრებას, ანუ ის არც მართლმადიდებლური (დიოთელიტური) იყო და არც მონოთელიტური; б) პოლიტიკური, რადგან გადაუჭრელი საღმრთოსმეტყველო საკითხის კონსერვაცია, ანუ თავისუფალი განსჯის აკრძალვა დოგმატურ თემაზე დავის დროს, მის გაქრობას არ იწვევს და, ადრე თუ გვიან, იგი ეკლესიას ახალ და უფრო მწვავე პრობლემად უბრუნდება.

## სარწმუნოება და აღსარება

მეფის ეკუთხისში ქრისტიანისთვის პრინციპულად მიუღებელი ის იყო, რომ ბრძანება დადუმებას მოითხოვდა და არა სარწმუნოების აღსარებას. ანალოგიური მოთხოვნა კოსტა მეფისგან წარგზავნილმა ჭროილე პატრიკ-მაც წაუყენა ლირს მაქსიმეს: „გულსა შინა შენსა გაქუნდინ ვითარცა გნებავს, არავინ გაყენებს. წმიდამან მაქსიმე თქეა: უფალმან და მაცხოვარმან ჩვენმან არა ეგრე ბრძანა, რაოთა გულსა შინა ოდენ გაქუნდეს სარწმუნობად, არამედ ესრეთ იტყვა: „რომელმან არა აღმიაროს მე წინაშე კაცთა, არცა მე აღვიარო იგი წინაშე მამისა ჩეცათავსა“ (მთ. 10,33), და წმიდამ მოციქული იტყვა: „გულსა გრწამსცა სიმართლედ, და პირითა აღიარებდი საცხორებელად“ (რომ. 10,10), „რამეთუ აღ-თუ-იარო პირითა შენითა უფალი იესუ და გრწენებს გულითა შენითა, ვითარმედ ღმერთმან აღადგინა იგი მკუდრეთო, სცხონლე“ (რომ. 10,9). აწ უკუჯ ვინაოთგან თავადი უფალი ჩუენი იესუ ქრისტე და ყოველნი წინაწარმეტყუელნი და მოციქულნი ესრეთ იტყვან, რაოთა სიტყვთ და გონებით და წმითა მაღლითა აღვიარებდეთ საიღუმლოსა მას მართლმადიდებლობისასა, დიდსა მას და დიდებულსა და ყოვლისა სოფლისა განმაცხოველებელსა, არა ჯერ-არს ყოვლადვე დადუმებად ქადაგებისად მის, რამეთუ არა წარწყმდეს ცხორებად მათი, რომელნი დუმდენ“ (თ. 23).

ბოლო დროს ჩვენს სამწესოშიც გახშირდა გამონათქვამი, რომელიც სწორედ აღმსარებლობის ერთგულების განელებასა და მის შესახებ დადუმებას უნდა მოასწავებდეს: ისეთი უამი დადგა, კაცმა მარტო საკუთარი თავის გადარჩენაზე უნდა ითიქროს. ჩვენი აზრით, იგი განსაკუთრებით მიუღებელია მორალური თვალსაზრისით, რადგან ის არა მარტო პიროვნების ეგოიზმე, არამედ საზოგადოებრივი პრობლემებისადმი ინდიფერენტიზმეც მეტყველებს. თუ კაცს გული არ შესტკიფა მოყვასის, ეკლესიისა და სამშობლოს განსაცდელზე, ანუ თუ მის სიყვარულს განცდის ობიექტი არა აქვს და ყველაფერზე დუშს, მაშინ იგი უბრალოდ მას აღარ ჰქონია და უსიყვარულოდ რომელ ქრისტიანობაზე შეიძლება საუბარი?

ქრისტიანული სიყვარულით აღსავსე გულმა ათქმევინა ნიკოლოზ ბარათაშვილს: „არც კაცი გარგა, რომ ცოცხალი მკვდარსა ემსგავსოს, იყოს სოფელში და სოფლისათვის არა იზრუნოს“. ქრისტიანი მოყალეა, არა მხოლოდ შინაგანად ატარებდეს მზეს სიმართლისა, არამედ გარეგანა-დაც ასხივებდეს მის ნათელს და შეეძლოს ბრძოლა იმ უსამართლობისა და ბოროტების წინააღმდეგ, რომელთა დამკვიდრებას დღეს ცოდვის დაკანონებითა და ტრადიციების აღმოფხვრით ცდილობენ. მაგალითად, პარადი რომ საზეიმო დათვალიერებას ნიშნავს და მას ერები იმიტომ ატარებენ, რომ ესა თუ ის ღირსშესანიშნავი და ისტორიული მოვლენა იდლესასწაულონ, ყველასთვის ნათელია, მაგრამ დღევანდელ საქართველოში არსე-

ბული ძალები, სხვა მრავალ უბედურებასთან ერთად, დაუინებით ცდილობენ სოდომური აღლუმის გამართვას, რომლითაც უნდათ დაგვაიმტკიცონ, რომ ჩვენ ზნეობრივი და კულტურული ერის სახე დავკარგეთ და მხოლოდ პირუტყვული ყოფა შეგვეფერება. ოუმცა მათ ავიწყდებათ, რომ ჩვენს მრავალშერივ რეფორმირებულ ერში, რომელიც უკვე ყოფნა-არყოფნის ზღვარზე დგას, მაინც ცოცხლობს დიდი რუსთველი: „სჯობს სიცოცხლესა ნაძრახსა სიკვდილი სახელოვანი!“ ამ მხრივ სერბ ხალზე შეგვიძლია ვთქვათ, რომ მან 2011 წელს გამოცდა გმირულად ჩააბარა, როცა სოდომური აღლუმის შეიარაღებულ ადეპტთა წინაშე ქედი არ მოიდრიკა.\*

### ეკლესია და სახელმწიფო

ეკლესია, დღემდე მეორედ მოსვლისა, ნებისმიერი სახელმწიფო წყობილების პირობებში იარსებებს. ამიტომ ქრისტიანს მოეთხოვება ცოდნა იმისა, თუ რომელი სამოქალაქო კანონის მორჩილება შეიძლება და რომლისა — არა, რათა როგორც უფლის, ისე სინდისის წინაშე პირნათელი იყოს. წმ. მაქსიმე ტრიოლე პატრიკს ეუბნება: „აპა ესერა ვიტყვა წინაშე ღმრთისა და წმიდათა ანგელოზთა, უკუეთუ ბრძანებად იგი მეფისა სულისა ჩემისა სავნებელი არა იყოს, არამედ საქმეთაგან იყოს საწუთოოსა ამას თანა განქარვებადთა, აღვარულო ბრძანებად მეფობისა მისისად“ (თ. 23). ხოლო სულის სავნებელი, უდავოდ, მხოლოდ იმ საქმეში მონაწილეობა შეიძლება იყოს, რომელიც ღმრთის მცნებათა საწინააღმდეგოა; მცნებებში კი როგორც სარწმუნოებრივი, ისე ზნეობრივი შინაარსი იგულისხმება, რადგან ისინი ერთმანეთის გარეშე არ არსებობენ.

ზემოთ განხილული საკითხიდან გამომდინარე, შეიძლება დაიბადოს კითხვა: განა ადამიანისთვის სულის სავნებელი შეიძლება იყოს საქმე, რომელშიც თვითონ არ მონაწილეობს? — ზოგადად, რა თქმა უნდა, არა, მაგრამ თუ თვით ეს საქმე არა პიროვნული, არამედ საზოგადოებრივია და ამდენად მასში არმონაწილეობა გულგრილობას ნიშნავს თანამოქალაქთა ღირსებისა და ეროვნული ტრადიციების შეურაცხპოვისაღმი, მაშინ ამ მდგომარეობიდან უვნებელი როგორ გამოვა? — ეს იგივე დადუმებული აღმსარებლობაა, რადგან საქვეყნო საქმიდან განდგომა ბრძოლის ველიდან გაპარგას ნიშნავს და მას ერთადერთი შესაფერი სახელი — ღალატი — ჰქვია.

საქართველო სამასი არაგველის ქვეყნაა და გამოცდილებით ვიცით, რომ არსთა გამრიგე გამარჯვებულ ბრძოლებს კი არა, თავდადებულ გმირებს ითვლის და უკანასკნელ სამსჯავროზე გვირგვინებს არა საკუ-

\* მიუხედავდ მასტერური სხვაობისა, იგვე შეიძლება ითქვას თბილისში, ამა წლის მასიში სინდისდამწვართა მიერ გამართულ სარეპტიციო მინიპარადთან დაკავშირებითაც, როცა ქართველებმა შეძლეს წინ აღდგომოდნენ ამ უმსგაფსებას.

თარი სიცოცხლის შენარჩუნებისთვის, არამედ მისი გაწირვისთვის განაშადებს. სხეათა შორის, შშენება ეროვნული სულისა, ლადო ასათიანი, წარმოშობით წმ. მაქსიმე აღმსარებლის ექსორიობის სანახებიდან რომ იყო და არც თუ ისე შორს იდგა მისგან ტანჯული ხორცითა და სულის სილამაზით, ასე გამოხატავს ოწმენას სამშობლოს სამსახურისადმი: „რა ქართველი ხარ და რა ვაჟკაცი, თუ მამულს თვით არ ანაცვალე“.

მოკლედ რომ ვთქვათ, საკუთარი ქვეყნის დაცვა და კანონმორჩილება ქრისტიანის მოგალეობაა, მაგრამ მას არა მარტო სულის სავნებელ ბრძანებათა მიმართ დაუმორჩილებლობა, არამედ მათგან სხვა თანამემამულეთა დასაცავად ბრძოლაც მართებს.

### წინასწარცნობა და განჩინება

ახლა კი ბრძოლის ველიდან ღმრთისმეტყველებაში გადავინაცვლოთ და გავარკვიოთ, თუ როგორ განასხვავებს წმ. მაქსიმე აღმსარებელი ღმრთის წინასწარცნობასა და წინასწარგანგებას ერთმანეთისაგან. ვფიქრობთ უმჯობესი იქნება, თევდოსი კესარია-ბითვინიელისა და ლირსი მაქსიმეს კითხვა-მიგებიდან (თ. 21), რომელშიც ზემოხსენებული საკითხი არის განხილული, ჯერ თეზისები ამოვწეროთ, რათა საბოლოო განსაზღვრების მიღება გაგვიაღვილებს.

— „ვითარცა იგი მეცნიერებად მისი წინავსწარ არს, ეგრეთვე განჩინებად დასაბამითგან არს“. — ე. ი. როგორც ღმერთმა ყველაფრის შესახებ ყოველივე წინასწარ იცის, ასევე მისმიერი განჩინებაც (განსაზღვრება, გადაწყვეტილება) პირველითგან, იმთავითვე არსებობს.

— „წინავსწარცნობად კელმწიფებასა შინა ჩუენსა მყოფთა საქმეთა და სიტყუათა და გულის-ზრახვათად არს, ხოლო განჩინებად მოწევნად-თათუს ჩუენ ზედა ჩუენდა უნებელად ითქვემის“. — ე. ი. ღმერთი წინასწარმცნობია იმ გაგებით, რომ მან ჩვენი ნებიდან გამომდინარე საქმეები, სიტყვები და აზრები წინასწარ იცის, ხოლო განჩინება ეწოდება ყოველივე იმას, რაც ჩვენ მომავალში უნდა შეგვემთხვეს და იგი ჩვენს ნებაზე არ არის დამოკიდებული.

— თევდოსი ეპისკოპოსის შეკითხვაზე: „რომელნი საქმენი არიან ჩუენსა კელმწიფებასა და რომელნი არიან ჩუენდა უნებელად, და ვითარ რომელნიმე წინავსწარმცნობელობასა ღმრთისასა მიაჩემენ და რომელნიმე წინავსწარგანგებასა?“ წმიდა მაქსიმე უპასუხა: „კელმწიფებასა შინა ჩუენსა არიან ყოველნივე, რომელნიცა ნებითა ჩუენითა იქმნებიან, გინა თუ კეთილნი საქმენი გინა თუ ბოროტნი, ხოლო უნებელად ჩუენდა არიან ყოველნი მოწევნადნი ჩუენ ზედა ჭირნი და განსაცდელნი, ანუ მათნი წინააღმდეგომნი, რამეთუ არცა სნებად ჩუენსა კელმწიფებასა არს, არცა სიმრთელც, დაღაცათუ მიზეზნი სნებისა და სიმრთელისანი მრავალთ-გზის

ჩუუნგან იქმნებიან; უწესოებად და უკრძალველობად ჭამალთად მიზეზი არს სენთად, და კრძალვით და წესიერად ჭუმევად მომატყუებელ არს სიმრთელისათ; არამედ მოწევნანი იგი სენთანი გარეშე ნებისა ჩუუნისა არიან და სიმრთელე არავე ჩუუნსა ჭელმწიფებასა არს, და სხუანიცა სოფლისა საქმენი, სიმდიდრო ანუ სიგლახაც, დიდებად ანუ შეურაცხებად და სხვანი მსგავსი ამათნი. ხოლო ვითარცა იგი ვთქუ, ვითარმედ სიმრთელი და სხეულებად არა ჩუუნსა ნებასა და ჭელმწიფებასა ზედა არს, გარნა მიზეზნი მათნი ჩუუნ ზედა არიან, უგრეთვე სახედ არს სულიერიცა, რამეთუ საუფევლისა ცათადასა მიზეზი არს დამარხვად მცნებათა ქრისტესთად და ჯოჯოხეთისა მომატყუებელ არს გარდასლვად მცნებათა მისთავ“.

აქედან გამომდინარე, ყოველი საქმე — კეთილი თუ ბოროტი, „რომელნიცა ნებითა ჩუუნითა იქმნებიან“, ისევე წინასწარ იცის ღმერთმა, როგორც ჩვენი ქმედებით ანუ მიზეზით გამოწვეული შედეგები — სნება თუ სიმრთელე, სიმდიდრო თუ სიგლახაც, მაგრამ ჩვენს ნებაზე დამრკიდებული საქმენი მხოლოდ ღმრთის წინასწარცნობას მიწვერებიან, ხოლო არა ჩვენი ნებით, არამედ ჩვენი მიზეზით განპირობებული საქმენი ღმრთის განჩინებით ანუ წინასწარგანგებით იქმნებიან. ამასთან გასათვალისწინებელია, რომ წინასწარი განვება ღმრთის მიერ ადამიანისთვის წინასწარგანსაზღვრულ ხვედრის არ ნიშნავს, პირიქით, ეს არის ადამიანის თავისუფალი ქმედების კანონზომიერი შედეგი, რომელიც უზენაესი სამართლიანობით არის დაცული და დაშვებული.

რაც შეხება, ღმრთის მიერ დაშვებული განსაცდელის მნიშვნელობას, მიუხედავად იმისა, რომ „მრავალსახე არს უკუე და მრავალგუარი მოწევნად განსაცდელისაო“, წმიდა მაქსიმე ასე განმარტუას: „გამოსაცდელად მოსლვად ჭირთა და ურგათად წმიდათად არს და მართალთად, რათა გამოჩნდეს განსაცდელთა მიერ კეთილი და ახორანი გონებად მათი სოფელსა შინა და ცნან კაცთა დაფარული იგი სათხოებად მათი; ...უგრეთვე ყოველთა წმიდათა, რომელნიცა ჭირნი შეემთხვნეს ამას საწუთოსა, ამით ესვითარითა განგებელებითა შეემთხვნეს, რათა ჭირითა მით და უძლურებითა ჭორციათა დათრგუნონ ამპარტუანი იგი და განდგომილი ვეშაპი, რომელ არს ეშმაკი. ესე უკუე სახც, ვითარცა ვთქუ, წმიდათად არს, ხოლო ცოდვილთა და ბრალეულთა კაცთა ზედა მოვლენ განსაცდელნი ოდესმე შესანდობელად ცოდვათა, უკუეთუ მადლობით შეიწყნარონ და ოდესმე დამაყენებელად ცოდვათა; და კუალად განწირულთა ზედა და წინააღმდეგომთა ღმრთისათა მოიწვეიან განსაცდელნი, რათა იხილონ სხუათა და განეკრძალნენ“.

მაშასადამე, განგებით მოწევნულ განსაცდელთა ხუთ მიზეზს ასახელებს წმიდა მაქსიმე აღმსარებელი: წმიდათა გამოჩნისათვის, ეშმაკთა დათრგუნისათვის, ცოდვათა შენდობისათვის, ცოდვათა დაყენებისათვის, ცოდვილთა საჯელისათვის და მათთა მზილველთა განკრძალვისათვის.

## საღმრთო სმეტყველო განსაზღვრებანი

თხზულებაში ჩართული საღმრთო სმეტყველო ტექსტები იმდენად მნიშვნელოვანია, ახლო მომავალში რომ არ ველოდეთ მის ახალ გამოცემას, აქვე სრულად წარმოგადგენდით. ჯერჯერობით კი მხოლოდ ცნობებით შემოვიფარგლოთ. წმ. მაქსიმეს „ცხოვრებიდან“ ერთ-ერთი სწავლება, რომელიც, ფაქტობრივად, ვრცელ მრწამსს წარმოადგენს (თ. 26), მ. საბინინმა „საქართველოს სამოთხეში“ (1882 წ.) შეიტანა სათაურით „ჰუშმარიტი აღსარება მართლისა სარწმუნოებისა თქმული ღირსისა მამისა ჩუქინისა მაქსიმე აღმსარებელისა“, და იქვე სამართლიანად მიუთითა: „რომელსა ზედა სრულიად თანახმა არს საქართველოს ეკლესია აქამომდე“. აღსარების პირველი ნაწილი, რომელიც უშუალოდ წმ. მაქსიმეს ეკუთვნის, ეს არის, დაახლოებით 50 სტრიქონში ჩატეული ლაკონიურად და სისტემური სახით გადმოცემული, მირითადი სარწმუნოებრივი სწავლებანი, რომელიც, როგორც ხატი აღმსარებლობისა, ნებისმიერი სასულიერო სასწავლებლის აუდიტორიას დაამშვენებდა.

მართალია, მიქაელ საბინინმა მთელი ეს „ჰუშმარიტი აღსარება“ ღირსი მაქსიმეს სახელს მიაწერა, მაგრამ, ვფიქრობთ, პრინციპულად არავითარი შეცდომა არ დაუშვია, რადგან აღსარების მეორე შემაღვენელი ნაწილი, თუმცა ჩვენ მიერ განხილულ „ცხოვრებაში“, საიდანაც ის არის აღებული, ისევა წარმოდგენილი როგორც VI მსოფლიო კრების დადგენილება (თ. 34), მთლიანად ღირსი მაქსიმეს ღმრთისმეტყველებაზე არის აგებული, განსაკუთრებით კი სწავლება ღიოთელიტობაზე, რომლის სისტემატიზატორი, უდავოდ, წმ. მაქსიმე აღმსარებელი იყო. თხზულების მიხედვით, VI კრების ძეგლისწერაში სხვა წმიდა მამები — ათანასე დიდი, გრიგოლ ღმრთისმეტყველი, ლეონ ღმერთშემოსილი და კპრილე ალექსანდრიელი — არიან დასახელებულნი, მაგრამ ეს იმას არ ნიშნავს, რომ მაქსიმე აღმსარებლის როლი ახლადწარმოქმნილი ქრისტოლოგიური კამათის გადაწყვეტის საქმეში IV-V სს-ის მამებზე ხაკლებმნიშვნელოვანი იყო; თუმცა ისიც უნდა აღინიშნოს, რომ საფუძველს წმ. მაქსიმეს საღმრთო სმეტყველო განსაზღვრებებისთვის სწორედ მათი სწავლანი ქმნიდნენ.

ამასთანავე, ჩვენი წყაროს მოწმობით, წმ. მაქსიმეს საეკლესიო მოსახსენებელი ღდეული (ამაზე ცალკე ქვემოთ ვისაუბრებთ) VI კრებამ დაადგინა და „წმიდამ მარტინე პრომისა პაპად და წმიდამ მაქსიმე აღმსარებელი წმამაღლად აღიღნეს, და საჭენებელად საუკუნოდ ნეტარებად და ქებად მათი განაწესეს“ (თ. 33). მართალია, ამ ცნობას ბერძნული ტექსტი VI მსოფლიო კრების ოქმებისა არ იძლევა, მასში მაქსიმეზე საერთოდ არაფერი არ არის ნათქვამი, მაგრამ ამის გამო რომ ქართული ცნობების უარყოფა არ შეიძლება, ჩვენ სრულიად ვეთანხმებით პროფ. კ. კაკელიძის საფუძვლიან ვარაუდს: „საქმე ისაა, რომ ძნელი და წარმოუდგენელიც კი

არის დაშვება იმისა, რომ VI მსოფლიო კრებამ, რომელიც სპეციალურად იქნა მოწვეული იმ ერებზე სამსჯელოდ, რომელთანაც ბრძოლაში თავისი მრავალტანჯული სიცოცხლე მაქსიმე მოწმეობრივად აღასრულა, სრულიად უგულისხმიეროდ აუარა გვერდი მის სახელს, რომელიც ასე მჭიდროდ იყო დაკავშირებული მონოთელიტობასთან და რომელიც განსჯილი და დაგმობილი იქნა მისი ლიტერატურულ-აღმსარებლობითი მოღვაწეობის წყალობით. აქედან გამომდინარე, შესაძლებელია ვიგარაულოთ არსებობა VI მსოფლიო კრების აქტების ისეთი ნუსხისა, რომელიც შეიცვდა ზემომოვანილ ცნობებს მაქსიმეს შესახებ, მაგრამ, სამწერაოდ, ჩვენამდე ვერ შემოინახა. დავუშვათ, ასეთი ნუსხა კრების აქტებისა არასდროს არსებობდა და ეს ცნობები მაქსიმეს „ცხოვრებაში“ ექვთიმეს მეშვეობით მოხვდა; მაშინ ჩვენ უნდა ვაღიაროთ არსებობა სხვა წერილობითი წყაროებისა, რაღაც ექვთიმეს მის მიერ ნათარგმნ თხზულებებში ჰაერიდან მოტანილი («от ветра главы своем») არავითარი დამატება არ შეჰქონდა“.<sup>4</sup>

### მოსახსენებელი ღირსისა მაქსიმესი

თევდოსი ხუცესი „ცხოვრებაში“ გარკვევით აღნიშნავს: „აღესრულა, ვითარცა ვთქუ, ღმერთ-შემოსილი მამავ ჩვენი და აღმსარებელი ქრისტესი მაქსიმე თოუესა აგვისტოსა ცამეტსა. ხოლო აღესრულების საჭირებელი მისი მას დღესაცა, და კუალად აღესრულების თოუესა იანვარსა ოც და ერთსა, ოდეს იგი ტანჯეს და დაპკუეოს წმიდავ იგი ენავ და ქელი მისი, რამეთუ ესრეთ განაწესეს წმიდათა მამათა მეუქუსისა მის კრებისათ“ (თ. 31).

მიუხედავად იმისა, 13/26 აგვისტოს ღირსი მამის მოხსენიება, ამ ერთერთი უძველესი წყაროს მიხედვით, ეჭვს არ იწვევს, ბერძნულ სვინაქსარებში ამ დღეს დადებულია არა ჩვეულებრივი ხენება, არამედ ღირსი მაქსიმე აღმსარებლის ნაწილთა აღმოყვანება, ან გადასვენება კონსტანტინეპოლში, ხოლო მოსახსენებლის თარიღი აღსასრულის წელს, 662-ს მიუთითებს. ეს შეცდომა ბოლო დრომდე ჩვენს საეკლესიო კალენდარშიც იყო გაპარული, როგორც ჩანს, ელადის ან რუსეთის ეკლესიათა მოსახსენებლების გავლენით; ფაქტი კი ისაა, რომ წმ. მაქსიმეს წმიდა ნაწილთა გადასვენება კონსტანტინეპოლში არასდროს მომხდარა და თვით ბერძნულ წყაროებშიც, გარდა მარტოოდენ ფაქტის აღნიშვნისა, არავითარი ისტორიული საბუთი ნაწილთა აღმოყვანების თაობაზე არ არსებობს.<sup>5</sup>

აღსანიშნავია ისიც, რომ ელადისგან განსხვებით, მაგალითად, კონსტანტინეპოლისა და ალექსანდრიის ბერძნული ეკლესიების თანამედროვე კალენდრებში 13/26 აგვისტოს არა ნაწილთა აღმოყვანება, არამედ ღირსი მაქსიმე აღმსარებლის მხოლოდ სახელი, ანუ აღსრულების დღე არის მოხსენიებული.

ჩვენ მიერ განხილული თხზულების გაცნობის შემდეგ მკითხველი ოვით მიხედვა, თუ რამდენ საკითხზე შეიძლებოდა კიდევ ყურადღების გამახვილება, მაგრამ, ჩვენი აზრით, მხოლოდ ძირითადი საკითხები გამოვყავით და მათ კომენტირებას შევეცალეთ.

დაბოლოს, ნარკვევს „ცხოვრების“ დასასრულს აღვლენილი შესანიშნავი ლოცვის სიტყვებით დაგასრულებთ: „შ ბრძენთა-მთავარო და სრულო ფილოსოფოსთა შორის, სამკაულო მონაზონთაო, დიდებულო მაქსიმე... მოუდ ჩუენდა საგსც მადლითა სულიერითა, გუასწავე ვითარ ჯერ-არს ქებაო და შესხმად შენი, მოპფინე ჩუენ ზედა მადლი შენი, და მეოხებითა შენითა წარგზძედუ გზასა ცხორებისასა, ღირს გუვვენ სწავლათა და მოძღურებათა შენთა აღსრულებად, რამეთუ დაღაცათუ წარხუედ ამიერ სოფლით, არამედ ცხოველ ხარ წინაშე ღმრთისა, რომლისათვისცა იღუაწე“. ამინ.

### შენიშვნები:

<sup>1</sup> კ. კეკელიძე, ეტიუდები ძველი ქართული ლიტერატურის ისტორიაზან, VII, თბ., 1961. გვ. 16,20.

<sup>2</sup> Monumenta hagiographica Georgica, Keimena, I, გვ. 60-103, თბ., 1918.  
— მანვე ეს ვრცელი რედაქცია არასრულად თარგმნა რუსულად და გამოაქვეყნა უფრო ადრე, ვიდრე ქართული: К. Кекелидзе, Сведения грузинских источников о Максиме Исповеднике / Труды Киевской Д. Академии, Сентябрь-ноябрь, 1912. — შემდგომ «Сведения» შეტანილ იქნა ზემოთ მითითებული ეტიუდების VII ტომში.

ასევე კ. კეკელიძემ გამოაქვეყნა წმ. მაქსიმე აღმსარებლის „ცხოვრების“ მეტაფრასული, მაგრამ მოცულობით კიმენურზე უფრო მცირე, რედაქცია (ეტიუდი, III, თბ., 1955), რომლის ავტორია იოანე ქსიფილინოსი (XI ს.), ხოლო გადმოთარგმნილია ქართულად XII ს-ში.

<sup>3</sup> ცნობისთვის აღვნიშნავთ, რომ საპატრიარქოს გამომცემლობას ეს კიმენური რედაქცია დასაბეჭდად უკვე გამართული აქვს და მისი შეტანა „საქართველოს სამოთხის“ ახალ შევსებულ კრებულში არის გათვალისწინებული.

<sup>4</sup> დასხ. ეტიუდები, VII, 1961. გვ. 34. აგრეთვე იხ.: А. Бриллиантов, О месте кончины и погребения св. Максима Исповедника, СПБ., 2006. გვ. 293.

<sup>5</sup> იქვე, გვ. 33.